

资江祠堂记

尝考庙者貌也象先人之尊貌也惟士庶分卑庙不可僭後世易之以祠堂则祠堂之建所以栖神主而会族人其制不綦重哉我族自乾隆初年置祠於邑城之东关迄今近百年渐就倾颓几无以妥先灵於风雨第患非一木所能支一人所能任相与安之而欲有基勿坏难矣道光丙戌族彦倡议修葺余亦为怱怱按户捐貲而族之人咸同心踊跃齐破慳囊约得千余金於是鳩工庀材仍其旧规增其式廓阅两寒暑而落成俾祖宗之凭依恒於斯子孙之萃聚恒於斯是大有造於吾宗也今夫举大事兴大工必得贤且能者为之蹶然而振起始足以号召於众而众亦欣欣然各输其财各效其力而不为之靳然後废者举而芜者除兹祠之得以修葺而堂构聿新也非我族之互相劝勉均能深仁孝之思重本源之地敦雍睦之风何以致此後更有继起而充大之者又余之所厚望也

道光十五年乙未吉月日

三十六世嗣孙世泽谨识告文